

Pisiortorfigisartakkanut code of conduct

Naalagaaffiit Peqatigiit inuttut pisinnaatitaaffiit pillugit nalunaarutaat, Europami inuit pisinnaatitaaffii pillugit aalajangersagaq aammalu ILO-mi aalajangersakkat naapertorlugit sulinermi tunngaviusumik pisinnaatitaaffiit Royal Arctic Line A/S-imi ataqqivagut.

Matumani pisiortorfigisartakkanut code of conduct Royal Arctic Linep pisiortorfigisartagaanut tamanut atuuppoq. Pisiortorfigisartakkat akisussaaffigaat namminneerlutik aamma pisiortorfigisamik qanoq pissuseqarnissaq pillugu malitassanut piumasaqaatit qulakkeersimassallugit.

Pisiortorfigisartakkat tamarmik minnerpaamik nuna suleqatigisamik inatsisaanik periusiinillu malitsitsissapput. Arlaatigut inatsit imaluunniit code of conduct una assigiinngissuteqassagaluarpata arlaat sukannernerusoq atortinneqassaaq. Code of conductimi matumani aalajangersakkat nunami sumiiffimmiluunniit inatsisinut naapertuutinngieriasaassagaluarpata soorunami inatsit atuuttoq malinneqassaaq.

Silap pissusianut unammillernartut iliuseqarfiginissaat siunertaralugu pisiortorfigisartakkagut kaammattorumavagut nunani tamalaani malitassanik killiliussanillu malinneqqullugit, tamannaammat nunarsuatsinni unammillernartuni maanna pingaarnerpaat ilagisaat.

Sulinermi avatangiisit

Pisiortorfigisartakkap suliffeqarfimmi sulisuminut atukkat avatangiisillu pitsaasuunissaat ingerlaavartumik qulakkeersimasassavai nunamilu inatsisit malitassallu atuuttut malittussaallugit.

Pisiortorfigisartakkap aamma isumagissavai:

- Suliffimmi malersuinerit pimmatiginninnerillu pinaveersimatissallugit.
- Suliffimmi sulitilluni ajoqusersinnaanerit ajutoorsinnaanerillu minnerpaaffissaaniitsinnissaannik suliaqassalluni, matumani aamma suliffimmi isumannaallisaanerup tungaatigut aaqqissuussamik peqarnissaa qulakkiissallugu.
- Qulakkiissallugu sulisut eqqortunik illersuuteqarlutillu atortoqarnissaat kiisalu ilinniagaq ilinniartinneqarsimanerluunniit suliambut pisarialik qulakkeersimassallugu, taamaasillutik sulisut illersorneqarsinnaasumik toqqissisimanartumillu suliammik naammassinnissinnaaniassammata.

Isumaginninnermut tunngasut

Pisiortorfigisartakkap nunami inatsisaasut malillugit pisussaaffiit eqqortissavai nunallu tamalaat akornanni inuttut pisinnaatitaaffiit pillugit nalunaarut ataqqillugulu malitsissallugu.

Pisiortorfigisartakkap aamma isumagissavai:

- Sulisorisamik namminneq kiffaangissuseqarlutik ataatsimoorussamik isumaqatiginninniarsinnaatitaanissaat isumaqatigiissuteqarsinnaanissaallu.

- Immikkoortitsineq assigiinngisitsinerlu pinaveersimatissallugit kiisalu aqutsisuni sulisunilu naligiissitaanissaq assigiinngisitaartuunissarlu sulissutigissallugit.
 - Inussiaateqarneq, pinggitsaalisamik sulisitsineq, inunnik niuerneq, meeqqanik sulisoqarneq assigisaalluunniit taamaattut tamaasa assuarissallugit.
 - Akissarsiat minnerpaaffissaat, sulinerup siviussusissaa, qasuersaarfeqarnissaq sulingiffeqarsinnaatitaanerlu pillugit inatsisit aamma/imaluunniit ataatsimoortumik isumaqatigiissutit eqqortinneqarnissaa qulakkiissallugu.

Silap pissusia avatangiisillu

Pisiortorfigisartakkap nunami inatsisaasut malittarisassallu avatangiisinut illersuinissamut tunngasut eqqortissavai, taamatullu aamma silap pissusianut avatangiisinullu tunngasuni inatsisit malittarisassallu.

Pisiortorfigisartakkap aamma isumagissavai:

- Avatangiisinut silallu pissusianut politikkiliornissamik suliaqassalluni, taannalu tamanit takuneqarsinnaassaaq.
- Mingutsitsinermik eqqagassanillu annikillisaanermik suliaqassalluni.
- Pilersuineq tamaat eqqarsaatigalugu inuit silap pissusianut toqqaannartumik toqqaannangitsumilluunniit pitsaannangitsumik sunniinerat paasissallugu millisassallugulu.

Inatsisunik malitsitsineq

Pisiortorfigisartakkap nalinginnaasumik nunami inatsisiliornerit malittussaavai. Taamatuttaaq pisiortorfigisartakkap ilisimassavai malitsillugillu nunat tamalaat akornanni malitassat, soorlu OECD-p akisussaassusilimmik suliffeqarfimmi najoqqutassiai, EU-p Corporate Sustainability Reporting Directive (CSRD) assigisaalluunniit.

Pisiortorfigisartakkap aamma isumagissavai:

- Peqquserlulluni iluanaarniarneq akiliillunilu peqquserlutsitsinerit assuarissallugit
- Europami GDPR-imik malittarisassat eqquutsissallugit
- Nunat tamalaat akornanni iliuuserisaqarnernut kingunerititat malitsissallugit
- Maalaaruteqarfissamik, assersuutigalugu pasinapiluttoqarneranik kalerriisoqarsinnaaneramik periarfissamik pilersitsissalluni, tamanna inatsisitigut piumasaqaataareersimangippat. Maalaaruteqarfissaq taama ittoq aqqutigalugu pissutsinik isornartunik nalunaarutiginnittoqartillugu tamatuma nalunaarutiginnittumut kingunerlutsitsinnginnissaa qulakkeerreqassaaq aamma kinaassutsiminik isertuussinissaminut periarfissaqartinneqassaaq.

Eqqortitsineq

- Naatsorsuutigaarput pisiortorfigisartakkatta inuttut pisinnaatitaaffinnut, sulisut pisinnaatitaaffiinnut, avatangiisinut, peqquserlulluni akiliilluniluunniit iluanaarniarnerup akiornissaannut pitsaaliuillunilu nunat tamalaat akornanni malittarisassat malillugit pimoorussamik akisussaaqataanissaa:

- Arlaatigut pitsaanngitsumik sunniuteqartoqarsimatillugu taakkua qanoq aaqinneqarnissaannik iliuusissanik pisiortorfigisartagaq nassuiaaasiussaaq, aamma pisut suussusersineqassapput pitsaanngitsumillu sunniuteqarnissaat annikinnerpaaffissaaniitinneqassapput pinaveersimatinneqassallutillu - matumani uani nassuiaatigineqartut malinneqarlutik UN Guiding Principles on Business and Human Rights.
- Arlaatigut pisiortorfigisartagaq taassumaluunniit pisiortorfiata arlaat qulaani pineqartut pillugit ilungersunartumik sunniissagaluarp, tamanna pisiortorfigisartakkap Royal Arctic Linemut nalunaarutigissavaa pisorlu nassuiaateqarfialugu taamatut pisoqarnerata unitsinneqarneranik imalimmik, aamma qanoq pinaveersimatinneqarnissaanik pakkersimaarneqarnissaanillu kiisalu taamaattoqaqqinnginnissaanik imalimmik tunniussaqaassalluni.
- Royal Arctic Linep malittarisassiat ukua malitsinneqarnersut paasiniarsinnaatitaavai sulisut nalilersuillutik immersuisinnerisigut self-assessment skema aqutigalugu kiisalu avataaneersumit attuumassuteqanngitsumit imaluunniit nammineq sulisorisamit misissuisitsinik.
- Nakkutilliinerit pisiortorfigisartakkanut sammitinneqassapput, tassani nalilersorneqassapput sukut malittarisassianik malinninnissamut eqqortitsinissaq amigarnerpaajunersoq, pisiortorfigisartakkamillu suleqateqarnerup sukut ingerlaavartumik kissaatigisap tungaanut pitsanngorsarneqarsinnaanera nalilersorneqassalluni.
- Royal Arctic Linep pisiortorfigisartakkani kaammattorpai nunat tamalaat akornanni malittarisassat malillugit iliuuserineqartut ingerlaavartumik pitsanngorsaavigiuqaqqullugit suliaqarfinnilu aalajangersimasuni "best practice" maleqqullugu.
- Pisiortorfigisartakkap malittarisassiaq una malitsissinnaanngikkuniuk imaluunniit arlaatigut ilungersunartumik sunniutilimmik pisoqartillugu Royal Arctic Linemut ilisimatitsinissani pinngitsoortikkuniuk nammineerlunilu aaqqiinaannarluni, imaluunniit systemit pitsaanerulersinnissaannut piumassuseqanngikkuni sunniutillu pitsaanngitsut iluamik suliarinagit, tamanna Royal Arctic Linemik suleqatigiinnermik pisussaaffeqarnermik sumiginnaanertut isigineqassaaq Royal Arctic Linelu suleqatigiinnermik taamaatitsisinnaalluni.
- Royal Arctic Line pasinapiluttoqarneranik kalerriisoqarsinnaaneranik periarfissaqartitsivoq tassungalu ilungersunartunik suqaluarnerunik nalunaaruteqartoqarsinnaavoq. Ingerlatseqatigiiffiup nittartagaatigut ugguuna paasisaqarnerugit "Whistleblower".

Malitseqartitsineq eqqortitsinerlu

Attaveqarfissaq:

Code of conduct pillugu apeqqutissaqartoqarpat Royal Arctic Linemi attavigisartagaq attaviginnarneqarsinnaavoq imaluunniit uunga allalluni compliance@ral.gl.

Atsiorneq:

Matuminnga atsiornerup uppersarlugulu naqissusissavaa pisiortorfigisartakkanut code of conductip suuneranik atuarsimaneq aamma paasinnissimaneq, tamannalu ukiuni pingasuni atuuttussaavoq.

Suliffeqarfik: _____

Ateq: _____

Atorfik: _____

Ulloq: _____

Atsiorneq: _____